

重脩浙江通志稿

第五冊下
地理

重修新巴通志紀略

重脩浙江通志稿

第五冊下地理

丙 浙中山脈

一 枯蒼山脈

枯蒼山 唐六典云江南道名山曰枯蒼而接縉雲東跨仙居南控臨海山經云枯蒼山高千五百丈周圍三百里可知而自縉雲東迄臨海其間之山皆枯蒼也山多枯木故名枯蒼作枯者非今以枯蒼名者有二一在縉雲一在仙居臨海之間茲叙山脈以在縉雲之枯蒼為主山在縉雲縣治東北五十里方輿紀要謂在縣東南百里疑誤隋文帝開皇九年分松陽之東鄉置枯蒼縣地理志注縣有縉雲山枯蒼山此即縉雲縣之枯蒼也為甌江上流好溪支流虬里溪所自出(縣志一名蒼嶺自麓至巔高二十里道書藏書名圖記十八洞天此為第十名成德隱真洞天高一萬六千尺廣三百里有一萬八千奇峰百三十溪九和郡縣志所謂端流險阻宋楊億所謂群峯插天真神仙之窟宅靈勝之真區也)

其北曰百丈巖為好溪支流崇溪所自出再北曰玉環嶺曰玗峯山(縣志狀如兕觥秀拔雲表)曰九龜山(一統志九山相聯狀如貫珠)再北曰胡村山曰三台山西南距縣治六十里(縉雲縣志作東九十里三峯聯峙中為卓筆峯一名中尖)盡於九曲溪與虬里溪之會口

其西白雁門山在棠溪與九曲溪會口之南（一統志山多奇石石壁臨水上
有梯雲洞石室洞令狐志石壁上有宋何澹所鐫小赤壁三字）西盡壺溪之
曲

其南曰崇嶺西走曰馬尖山曰雙尖山盡於九曲溪與訪溪之會口

其東曰海臨夫曰蒼嶺皆在縉雲仙居界上（嘉靖通志蒼嶺在仙居縣西北
九十里界於縉雲重岡複嶺隨勢高下險峭峻絕為浙東最仙居縣志與括
蒼山通故名蒼嶺一名風門山今狐縉雲志極頂曰風門兩石如樞插天旁
為阮中丞將臺嶺嶺半一村曰南田鄰仙居縣）

以上皆屬於括蒼山範圍其脈之分佈有東西兩幹

括蒼山脉西幹自崇嶺分東入仙居走於龍溪與橫坑溪之間曰白馬山曰
馮師山東北距縣治七十里（萬曆縣志作西二百里舊傳馮氏女學道於此）曰
長蛇山盡於永安溪西岸

括蒼山脉西幹自海臨夫分東入仙居走於嵒裏溪與橫坑溪之間曰龍潭
岡曰東垣山曰雞冠岩盡於永安溪西岸

括蒼山脉西幹自崇嶺分東入仙居走於嵒裏溪與永安溪夾流之間曰大
濟山曰兩虎交尾山曰赤城山（縣志土石俱赤故名）盡於兩流間之平原

括蒼山脈西幹自蒼嶺而東北走於縉雲仙居界上曰普通嶺（縉雲縣志有石

子堆為東路要隘守險者所當留意）
分支東入仙居曰中央墩山曰九龍山折東南走於西莊溪與其支流之間
曰蜈蚣蛇山盡於會口

括蒼山脈西幹自普通嶺而東北仍在兩縣界上曰天馬岩（縉雲縣志）隆然獨
峙峻不可攀登其夫一石如奔馬草樹披拂有風髮霧鬣之態曰獅子岩（縉雲
縣志俗名火星岩縣令周士英以其像獅易今名）巖西在縉雲者曰西巖（縣志
壁立千仞下臨大溪現已鑿險為通道）巖東在仙居者曰光明山再東北曰三
級嶺

分支南入仙居走於馬嶺溪與黃榆嶺水之間曰虎頭山曰前坪山曰白冠
山盡於兩溪間之平原

括蒼山脈西幹北入縉雲曰仙人橋藥山西南距縣治八十里（縣志作東一百
三十里狀如仙人楊藥故名）迤東北曰下俞山永安溪上流馬嶺溪之源出焉
至磐安縣界上曰盤山為大盤山南麓

分支東南入仙居走於萍溪張嶺溪之間曰張阜山東距縣治二十五里再
南曰卧旗山東距縣治三十里（縣志作西北四十里）拳巖偃伏如旂故名東

曰坎頭山。盡於萍溪與永安溪會口。西南曰筆架山。曰新帽巖。盡於馬嶺溪與永安溪會口。

括蒼山脉西幹自盤山北走於磐安縉雲界上。曰大嶺。亦為大盤山之一部。標溪之源出焉。再北至縉雲磐安永康三縣界上。曰大岩尖。好溪上流九曲溪之源出其西。畫溪支流錫坑溪出其北。

分支東入磐安。曰箭山。折北曰大盆嶺。為大盤山之一部。始豐溪出其東。畫溪出其西。一嶺之隔。相去數里。實為椒江錢塘江最近之分水嶺。分為二支。其一東走。接於寒巖山脉。

其一北走。曰大盤山。亦名大盆山。以形如覆盆。故名。實為浙東諸大山脈之總彙。縉雲縣志。大盤山高五十餘里。周圍數百里。上薄雲天。橫互東境東南界仙居。東界臨海。東北界東陽。南界永康。盤錯五縣。並為台登寧紹諸山之祖。民國四年。以其地偏僻險要。割五縣之地。設磐安縣以治之。

其東北麓曰東端山。曰桂科岩。接於天台山脈。

其北麓曰羅城岩。迤西北走於歌溪與其支流之間。曰赤岩尖。曰鎮武岩。曰柘山。盡於會口。

其東麓曰蒼峯。又東至磐安天台界上。曰雷馬山。雷馬坑水出焉。東入大

台曰方山在雷馬坑水與大旗坑水之間盡於會口東北入天台曰大旗山盡於峇溪西岸東南入天台走於雷馬坑水與始豐溪之間曰大小岵山盡於會口

其西麓曰大鞍夫東陽縣志與其東之烏岩尖高下相對遠望如鞍故名又以其巔峭絕不可躋攀常有寒雲蒙翳冬雪不消又名大寒亦稱大庵再西至磐安東陽之界曰十指岩歌溪出其北盡溪之交流出其南又西北入東陽走於歌溪與畫溪之間曰東黃藤山曰三台高峯縣志疊起三峯左曰筆峯右曰硯岩折而曰豐山曰飛鸞山曰孟婆尖北走於洄渡溪與東陽江交流之間曰蓮華峯盡於東陽江南岸南走於畫溪與磁漂溪之間曰青龍山曰羅遠山縣志近山運水盡於懷抱別名十保山盡於會口自孟婆尖更西曰官清嶺西南走於磁漂溪與南溪之間曰金椅山曰石鼓山盡於會口自官清嶺而北曰三杯嶺東北走於萬年溪與洄渡溪之間曰壽溪山北曰東窺峯在縣治東南西北曰筆架山在縣治南縣志以形如匕均盡於東陽南岸之平原自三杯嶺而北曰勒馬峯在縣治南而五里折而曰西窺峯再西至東陽義烏界上曰西龍尖入義烏曰金鐘山南曰石門山北距縣治十七里縣志作東九里連山中路兩山

對峙如門故名北曰雞鳴山（縣志昔有人聞金雞鳴其上群雞皆應故名）
皆盡於東陽江與畫溪間之平原

其西南麓曰九洲峯南盡畫溪之曲

括蒼山脈西幹自大岩夫折而曰西懷嶺源潭溪出焉

分支北走於錫坑溪與源潭溪之間曰金雞山曰九公山曰石下後山盡於會口

括蒼山脈西幹自西懷嶺更西曰石霞嶺（永康縣志上有池曰日月池廣畝餘水澄深莫測池上石壁有赤白痕相間狀類日月此其所由名也俗又呼百丈潭）

分支南下曰百鳥岩（縉雲縣志形如鳥集上有鳥跡宛然盡於九曲溪之曲）
括蒼山脈西幹自石霞嶺迤西南曰人新嶺

分支西南走於雙牌溪與九曲溪之間曰黃連嶺曰靈山曰龍門山盡於會口

括蒼山脈西幹自人新嶺折西北在源潭溪雙牌溪之間曰爵嶺曰瓦窰山
分支北走曰燈籠尖至永康東陽界上曰破岡嶺入東陽走於檉溪與畫溪之間曰北甌岩西北距縣治五十里（縣志作七十里）再北曰東岩山趙塢坑

溪之源出焉。東岩西南曰杜山。縣志高一百丈。有鳥奔岩。一名青岩。高五百丈。祇有絕磴二道可上。其上寬平。可容千人。唐馬將軍拒巢賊。立寨山巔。今廟祀之。東岩東北曰五里牌山。又歧為二。

其一東走曰獅岩山。曰金星山。木衛溪出焉。折西北走於畫溪與木衛溪之間。曰東坪山。為尖二。曰八面山。為尖四。盡於會口。

其一西走曰繞溪嶺。繞溪出焉。再西曰鳥岩。為尖二。更西曰白峯山。盡於檉溪與畫溪會口。

枵蒼山脈西幹自瓦窰山折西至永康東陽界上。曰東岩嶺。檉溪之源出焉。再西曰大夫山。上木溪之源出焉。分二支。

一支北入東陽。在檉溪小溪之間。曰五行山。盡於會口。

一支南入永康。走於上大溪與雙牌溪之間。曰八盆嶺。曰觀音峯。至永康縉雲界上。曰黃弄尖。入縉雲。曰東窰山。盡於九曲溪之北岸。

枵蒼山脈西幹自大尖山迤西北。曰紫銅山。仍在永康東陽界上。

分支西走於永康東陽界上。曰紗帽岩。曰避水巖。避水溪出焉。接於八素山脈。

枵蒼山脈西幹自紫銅山南入永康。曰鳥步嶺。折西曰大塘山。

分支而西曰華釜山西南距縣治三十里（縣志）高百餘丈周二十里其上平曠中窩而旁高狀如仰釜其北曰壽星岩皆盡於平原

括蒼山脈西幹自大塘山而南曰銅山巖西距縣治三十五里（縣志）作五十里山故產銅宋元祐宣和中兩次置場開采均以苗脈微眇而廢

分支西南下曰紫雲山折西曰挂嶺曰靈岩西距縣治二十五里（縣志）作四十里高二百丈皆峭壁拔地而起其南面岩東西橫列紫色斑錯青蘚枯木嵌之蒼藤倒挂若畫屏然緣岩架石為梁曲折而升有石洞南北相通軒敞如廣厦廣五丈深二丈其尤奇者洞上下及左右壁皆砥平無窻突若有神力剗削而成所以謂之靈也靈岩之北為著名之方岩（縣志）高二百丈周六里岩皆平地拔起四面如削惟南通一道至山腰而絕疊石為磴如樓梯而升曰百步峻磴上沿岩架石為棧道曰飛橋將至頂有兩石對峙其上屋之曰透閣俗呼為拳門入閣地更平曠約數百畝中有池可飲餘臨池有廟曰赫靈祀宋侍郎胡則俗所謂胡公大帝是也每歲香火極盛抗戰時有政府遷於此岩下開闢建築煥然一新方岩東北曰壽山（縣志）有五峯皆石壁平地拔起周圍如城郭下有大石洞高敞軒豁可容千人其中為佛刹曰壽山寺前為重樓樓上為平臺周以闌楯皆即洞支木為之不施梯瓦而風雪霜

露自然莫及。最高一方登覽之勝。岩上有朱書。覽率臺三大字。傳為朱晦翁手筆。其上又有龍湫水。四時不絕。直下數十丈如練。及齊久水欄。輒風颺。颺濺流四出。若霧雨然。可望而不可即。亦奇觀也。方岩西北曰石翁山。舊志亦五峯相連。中一峯有石柱。高出平岩。若人戴紗幘狀。山之得名以此。近西一峯如螺髻。相傳為石翁婦。故鄉俗呼為公婆岩。其北皆盡於平原。靈岩西南曰五封嶺。曰銀坑山。盡於南溪之曲。銀坑山之北。伏而復起。曰涼帽山。盡於平原。

枯蒼山脈西幹。自銅山嶺再南走。於上木溪與李溪之間。曰朝陽尖。曰三早山。至永康縉雲界上。曰九松山。縉雲縣志上有九松寺。旁為龍瓜坑。下為石龍頭。曰洪茂嶺。縉雲縣志一名姓墓嶺。

分支北入永康。曰桑園後山。更西北曰羅漢峯。又改為二。

其一西走。曰仁和嶺。度白溪之源。出焉。更西走。於度白溪與南溪之間。曰白霧山。曰館頭嶺。盡於南溪東岸。平原。

其一西北走。於李溪與度白溪之間。曰絕塵山。西北距縣治二十五里。縣志俗呼東溪山。為東南之望。山高五百丈。周十里。四面皆峭壁拔地而起。石峯叢列。如插戟然。一徑縈紆。穿岩石間。以達其巔。有兩石對峙如門。入

其中周圍如城郭有田六十畝地倍之又有大井常汲不竭每有寇警鄉人多依此以避焉其北曰石室山（縣志高二百丈四面皆石壁聳起緣岩而上有石洞中通如廣廈可容數百人居中有一石柱又有一巨石其形如竈旁有石井水甚清冽以烹茶味極甘美隨人多寡汲飲無餘欠其旁又有西岩飛瀑漱出石壁間當雨後水盛時噴薄如轟雷盡於李溪南岸枯蒼山脈西幹自洪茂嶺再西南走於永寧錯雲之界曰寺後山南入錯雲走於好溪與浣花溪之間曰萬景山（一統志作萬錦）曰古麓夫（縣志夫園秀麓高）出諸峯尖面曰黃龍山南距縣治十二里（一統志作縣西四圍陡絕古嘗屯營列守旁有池甚清冽相傳黃龍潛焉故名）山上有石如樓臺又有一石如舟俗呼飛來舟尖南曰青雲山（縣志重巒疊翠石泉清冽）上有廟再南曰萬松山（縣志山勢盤旋林壑深秀有寺曰永寧）曰岱嶺（縣志嶺左水流入好溪右水流入龜溪盤括水從此分焉）曰東隱山（薛應旂縉雲山志東隱山在縣東北五十步一名靈尊山唐縣令李陽冰秩滿嘗游息於此）葉忠歸臺石壁間刻東隱山三字陽冰書也曰桂山（縣志元樊杞孫居此一名樊山）均在縣治北其西曰九盤山（縣志西障縣治層峯競秀溪流百折山麓有橋名西橋一名三峯曰客星山）
（縣志一名金山）再南曰涌翠山（縣志一名西岩有宋黃邦秀書西嶺二字）再西

南曰大岩曰吳嶺虎花溪出焉西至緒雲農水界上曰清塘嶺（農水縣志）高五里許嶺有塘水甚潔清故名（分二支）

一支南行曰滴水岩其南小松蒼山在焉東入緒雲走於好溪與荆坑水之間曰桃花嶺曰飛鳳山盡於會口

一支西南入農水曰劉山曰銀場山（縣志）明季開礦時設鑪於此清阮元刻括蒼古道四大字於石壁銀場東南曰靈鷲山（縣志）與鸛鳴山隔好溪相對層嶂峙雲重蔭被水霜旦晴初尤極幽致銀場西南曰壽元山（縣志）在縣北十里崔巍雄峻為郡之鎮山又名陳寮山再西南曰鹿陽山農水出焉縣之所以得名其東曰瓊杯山（縣志）二山相對如杯瓊土人呼杯瓊為瓊杯因以名山其西曰白雲山（縣志）高六百餘丈練水出焉叢篁老樹蔽日搖風盛夏登臨清涼沁骨山阿時有白雲涌出可占姓雨南至縣治之西曰三岩（縣志）岩之類屋者三中岩曰白雲最高敞其前懸瀑斗注如建瓴高屋其下巨石屏立激水四散屏石之陽刻唐李邕雨崖二字字大徑四尺再東南曰小松蒼山（與前在滴水岩南者同名）又名蓮城山亦名九盤嶺唐宋時州治皆在焉即今之西山也入縣治為萬象諸山抵大溪而止自白雲山而西北曰風山（縣志）山巔危石對峙如門天風颭戾清人毛骨俗謂之小石門亦曰風

門山再西北曰玉山（縣志上有玉山廟）曰大鶴山南距縣治二十里（縣志作五十里其北為小鶴山二山亭岩對峙相距里許為趨發別道屋峻路危行者攬石摩胸乃得過止於稽句溪東岸）

括蒼山脈西幹自清塘巖迤北仍在縉雲麗水界上曰大姥山為尖三縣五十餘里浣花溪洪溪之源皆出焉分支三

一支東入縉雲走於浣花溪與其支流之間曰新帽岩曰百花尖盡於會口一支東北入縉雲走於洪溪與浣花溪支流之間曰樺樹山曰蒼壁山東南距縣治十里（縣志）高十餘丈壁立如屏盡於會口

一支南入麗水曰蛙臺壇山（縣志作蛙臺坪山）半有巨石与生蛙無異故名迤西曰雙寨尖（縣志作雙夫寨）絕壁峭峙其巔頗平曠元末里人築堡禦賊遺址尚存再南曰梅田山（縣志）舊為赴縉雲官道鄉民立市於此均盡於稽句溪東岸

括蒼山脈西幹自大姥山迤西曰牛空巖（縉雲縣志為麗縉間之間道設險者所當指意）曰大小君子山（縉雲縣志）二山相對秀麗可愛其地多竹又名筠川兩山環峙筠溪中流華巖故奇名狀不一清流沃壤可釣可耕芳春霽景名花競妍好鳥如答亦一方之勝也（山）皆在縉雲麗水界上

分支東入縉雲曰三嶺尖（一統志三嶺山接麗水界高峻人莫能上明初耿再成置寨於此麗水縣志作三條嶺）而北曰玉泉山盡於洪溪與其支流之

曲括蒼山脈西幹自大小君子山折北至縉雲麗水武義界上曰雪峯山為峯三長十餘里（一統志作雲峯山）岩峭百丈飛泉如練上有二龍潭縉雲縣志山跨麗縉武三縣崎嶇險峻高二十餘里山麓有四百餘畝四周高峯插天頂常積雪故名其水東出谷口瀉為龍潭衝激泛涌亢旱不竭遠近各邑祈雨輒至焉潭外縣岩壁立飛瀑千丈岩下潭二相去里許南注入麗北源於西溪麗水縣志今名百丈溪分支二

一東入縉雲走於洪溪與建坪溪之間曰插花岩再東在南曰仙宮山在北曰萬竹山（縣志世傳葛洪煉丹於此）曰古田山盡於兩溪與其支流之會

一北至縉雲永康武義界上曰馬嶺再分二支

其一東走於永康縉雲之界曰歷山北距永康縣治南距縉雲縣治約三十里（縉雲縣志）上有舜田舜井舜廟皆後人因名思聖之義絕頂三峯鼎峙名架鼓峯中有天池即龍潭廣周數畝其深莫測池外又有潭三絕壁

千尋人跡莫至（永康縣志）高二百丈周四十里其上負峯屹立狀如覆釜
名曰神龜拜鼎即此山頂有潭俗名龍王塘山半下有岩生成石池三其
水激激亢旱不涸今名三折江再東曰縉山（縉雲縣志）舊傳有龍潛於
此曰縉布山（縉雲縣志）有飛泉灑落三百餘丈故名二山皆在縉永界上
盡於南溪西岸自縉山東南入縉雲曰角山曰劉山盡於建陽溪之曲
自縉山西北入永康曰大尖山高坑溪出焉再西北走於橫坑溪與高
坑溪之間曰鐵峯山曰維海山橫坑溪出焉折北走於南溪與高坑溪之
間曰大廚山北距縣治二十里（縣志）山高聳而方形如豆腐故名再北曰
紫霞嶺曰石城山（縣志）高二百丈周二十里群峯巒岬駢列如城故名張
氏土地記謂黃帝嘗遊此山今鄉俗稱天馬山曰白雲山北距縣治十里
（縣志）南方之望山也負峯聳拔上際雲表正當縣治與學宮之前端峙若
賓侶呼為狀元峯每朝有雲氣升騰其間則是日必澍雨人常候之以為
雨徵相傳其上為萬洪煉丹處石井猶存因有萬仙翁祠盡於南溪與高
坑溪間之平原

其一北走於永康武義之界曰力田山曰人形山分走東北入永康走於
高坑溪與仙溪之間曰伏虎山伏而復起曰象山盡於平原自力田山